



UNIVERSITÄTS-  
BIBLIOTHEK  
PADERBORN

# **Universitätsbibliothek Paderborn**

## **Dissertationes De Actibus Humanis**

**Karchne, Simon**

**Augustæ Vindelicorum & Græcensis, 1716**

§. I. Quid, & quotuplex sit ignorantia?

**urn:nbn:de:hbz:466:1-39981**

inveniendi salvis Ordinis constitutionibus, in quo puncto plurimum est attendendum ad ordinis statuta.

Verum recte refellit Pirrhing quod observantia cit. C. fin. juxta ibi Praescriptum, nempe ut annuatim fiat inquisitio, non sit Juris divini.

Addit illud certum esse, quod praedicta Decretalis reducendi fugitivos & justè ejectos non obliget Prælatos, dum revocatio foret aliis Religiosis scandalosa,

nec si eorum correctio sit desperata, consentit Sanch. num. 19.

Resp. ad 2. De Pœnis consulendum cit. Reiffenst. à num. 253. Wiest. à num. 147. negantem jure communi pœnas esse in fugitivos constitutas, nec teste Reiffenst. Apostatae de jure antiquo incurunt Excommunicationem ipso facto, at bene speciali omnium sermè Religionum.

\*\*



## ARTICULUS VI.

An Ignorantia causet involuntarium, aut imminuat.

### §. I.

*Quid & quotuplex sit ignorantia?*

374. QU. i. *Quid, & quotuplex sit ignorantia?* Resp. ad 1. Ignorantia negativa est *carentia cognitionis, sive scientie debite*. Dixi *negativa*, quia cerorem actualem<sup>1</sup>, sive Judicium dictans licere, quod non licet, aut è contra, vocant aliqui ignorantiam positivam, quæ etiam solet dici ignorantia pravæ dispositionis, Vasq. 1. 2. D. 117. C. 1. num. 1. Hic potissimum sermo erit de negativa.

Resp. ad 2. Esse multiplicem carentiam debitæ scientiæ; primò alia est Juris, alia facti. Ignorantia Juris est ne scire legem, seu obligationem, ut si quis ignoret contractum usurarium esse

illicitum, vel Christum obligasse ad universa mortalia confitenda &c. Ignorantia facti est nescientia ejus, quod continet sive per se, sive per alium: si quis nescit, quod ab ipso est factum, dicitur habere ignorantiam in facto proprio, ut si quis accedit ad foeminam ignorans esse alienam; aut si scit esse alienam, ignorat tamen esse consanguineam, aut conjugatam; prior facti sui ignorantia est circa substantiam, posterior est ignorantia facti quoad circumstantiam consanguinitatis, aut conjugii. Ignorans id, quod ab aliis fit, dicitur habere ignorantiam in facto alieno.

375. Ignorantia tum Juris, quam facti

facti est vincibilis, aut invicibilis. Vincibilis est, quæ potest deponi sine maximo labore (nam ignorantia, aut error non cessat esse invicibilis, per hoc, quod absolute possit tolli, non tamen absque maxima difficultate, seu non nisi difficillimè, quia ad tantum conatum suscipiendum DEUS non obligat, Gonfalez de recto usq; opin. Difser. 6. num. 8.) Invicibilis est, quæ ordinariis viribus naturæ id est, naturali virtute, industriâ morali, seu humano modo, consultatione, & discursu adjunctis ordinariis viribus gratiæ deponi non potest. Dixi ordinarijs viribus gratiæ. quod communiter DD. non exprimunt, at bene cit. Gonz. Difser. 11. num. 34. quia quando agitur de possibilitate observandi mandata, ad horum observantiam non sunt attendenda solæ vires nostræ, sed ut conjunctæ adjutorio divinæ gratiæ, alias mandata essent simpliciter observatu impossibilia, siquidem solæ vires naturæ nequeunt illa implere saltem supernaturalia.

Ex hac divisione constat, quod circa eundem actum quis possit habere scientiam, & ignorantiam invincibilem; ut si scis, quod accessus ad affinem, aut consanguineam sit contra virtutem temperantia, at invicibiliter ignoras eundem accessum esse contra naturalem reverentiam debitam parentibus eorumque consanguineis, & affinibus, quæ violatio reverentia debitæ vocatur incestus.

376. Ignorantia invicibilis vocatur *antecedens, iusta probabilis, involuntaria, ac inculpabilis.*

Dicitur Antecedens, quia antecedit omnem actum liberum, & tanquam R. P. Karch. Diff.

causa se habet respectu actus, qui ex ea fit, quatenus si ipsa abesset, actus non fieret, e.g. venator Sylvam obambulans credit in dumero latere feram absque ullo dubio, an ibi sit homo; aut si occurrit dubitatio, diligenter inquirit veritatem, prudenter, si quod fuit dubium, deponit, jaculatur, ei occisio non imputatur, licet loco feræ macraverit hominem. Hinc vocatur *iusta, & probabilis*, quia ius tam Canonicum, quam Civile eam approbant, & ex illa operantem à culpa excusat, & ideo est *inculpabilis; involuntaria* vero, quia à nullo actu directe, aut indirecte est volita.

E contra vincibilis dicitur consequens, quia consequitur ad actum voluntatis liberum, est enim directe, aut indirecte volita; idcirco dicitur vincibilis, quia vinci potuit, quæ propter est culpabilis, utope contracta ex culpa: consequenter etiam est improbabilis, & injusta, quia Jus illam reprobatur, atque ex illa operantem non excusat, sed accusat. V. g. dubitas, an currente septimanâ sit dies festus aliquis, aut Jejunii, nullam, aut levem adhibes diligentiam in exploranda veritate, vincibiliter ignoras festum, aut Jejunium, si quod occurrat.

377. Præter antecedentem, & consequentem datur concomitans, quæ laboratis, qui aliud facit, quam hic, & nunc putat se facere, est tamen ita Dispositus actualiter, vel habitualiter, ut idem faceret, si non ignoraret; ut si occidas hostem Scopo putans esse feram, estque ita comparatus ut et si scires loco fera latere hostem, adhuc occideres, hoc modo.

N.n.

do

do diceris habitualiter dispositus; actualiter autem eris dispositus, si habes actualle propositum illum occidendi.

Sic operans dicitur ignoranter operari, non verò ex ignorantia, sed cum ignorantia, non enim est causa actus, alias non hunc concomitaretur, sed antecederet.

Quarè rectè dixit Pal. p. 1. tract. 2.  
**D. i. p. 15. n. 2.** quod nec accuset, nec excusat, actum; sic in Exemplo allato actio occisiva, ut est occisiva hominis non est voluntaria, sed ut est occisiva feræ; hanc enim solam cognoscit; ut enim sit voluntaria, ut occisiva hominis, debet jaculatione procedere ex cognitione, quod hic & nunc hac actio externa tendat in hominem, at non procedit sic, cum non cognoscat hanc actionem singularem esse occisivam hominis, sed feræ. Habet quidem in sua cognitione homicidium in universum, dum actu habet affectum occidendi hominem, at non habet in cognitione, quæ cognoscat hoc opus singulare esse hominis occisionem. Hinc prior cognitione proponens homicidium in abstracto, ac in genere non dirigit ad hanc actionem; liquidem voluntarium desummitur ex cognitione singulorum, id est, tum actionis, tum circumstantiarum, cum quibus fit actus prout diximus in definitione voluntarii; sed dirigit posterior proponens solam feram, à qua nulla malitia derivatur in actionem externam, puta jaculationem; Idcirco hanc ignorantia concomitans non accusat, sed etiam non excusat nempe à malitia concomitante, quæ quidem non reddit eundem actum malum, sed operantem, quando hic cum ignorantia actualiter

proponit, quod occideret, et si sciret esse suum inimicum, aut si haberet voluntatem actualiem occidendi, quidquid videt, sive sit feræ, sive hostis, ita Sanch lib. 1. Decal. c. 16. nn. 14.

378. Ignorantia consequens, seu vincibilis dividitur in affectatam, & non affectatam: affectata est, dum quis data operâ, seu de industria intendit ignorare, quæ deberet scire e. g. mysteria fideli. Praecepta Dæcalogi, ut liberiùs seu sine remorsu conscientiae possit peccare, id est, ne retrahatur ab actu executioni destinato, unde est in se, sive directè voluntaria: hæc æquiparatur scientia *C. quæstum de Pænitentiis, & remissiōnib.* Mascard. Conclus. 880. num. 31, ex Clem. 1. §. rigorem de Judic. ubi affectans citationis ignorantiam habetur pro Citato.

Non affectata est, dum quis non eligit ignorare, ut sit in affectata, sed hic & nunc omittit adhibere diligentiam ad aliquid sciendum idque vel ex tedium, seu pigritia, aut ob occurentes difficultates, & ideo hæc ignorantia non est infelicitas, sed indirectè voluntaria, nempe in libera omissione comparandi scientiam debitam; dicta enim omissio diligentie debitæ est causa, cuius directæ volitio est indirectæ volitio ignorantiae, consequenter etiam malitia operationis, quia sequitur ex ignorantia indirectæ volita.

Non affectata dividitur in Crassam, seu supinam, & in non crassam, seu non supinam, ita Pal. num. 4. Sanch. num. 7. & lib. 9. de Matr. D. 32. & num. 32. ubi crassam vocat illam, quæ ex lata culpa procedit: culpa autem lata est omissione diligentie mediocris, seu communis, id est,

est, tanta, quantam homines communiter in tali negotio adhibere solent. Si id fiat scienter, & de jndnstria, seu animo, ut sequatur damnum, dicitur dolus apertus, sive culpa latissima, quando autem aliquid fit, aut omittitur scienter, seu cum prævisione damni secuturi, aut hujus periculi secluso præfato animo dicitur dolus præsumptus, seu culpa latior.

Etsi uterque conspiret in hanc divisionem contra Soarez tom. 5. in 3. p. de censuris D. 4. S. 10. num. 10. negantem dari ignorantiam mortaliter culpabilem distinctam à Crassam, & supinam, nisi sit hâc major, uti est affectata, dissident tamen in explicatione hujus divisionis: nam Sanch. per crassam, & supinam intelligit, quando nulla, aut ferè nulla adhibetur diligentia ad rem sciendam, per non crassam, & non supinam intelligit, quando adhibetur diligentia major, quâm ferè nulla, insufficiens tamen pro qualitate negotii, idque probat eorum Authortate DD., qui admittunt Sacramentum Ponitentiae validum & informe, quando ex ignorantia etiam mortali dummodo non sit crassa, peccatum tacetur, aut sufficientia examinis prætermittitur (hi sunt Sotus, Victoria, Henr. non reprobati à Laym. lib. 5. tract. 6. cap. 9. num. 1. quos probabiliter sentire fatetur Gobat tract. 7. num. 278.) secùs si sit crassa, & supina, id est, ut definit Sotus apud Sanch. quando ferè nulla diligentia est adhibita.

Palao verò vocat crassam, seu su-

pinam, quando nulla, non crassam, seu non supinam, quando aliqua, etsi modica diligentia sit impensa, qui nu. 2. notat dici crassam, quia ignorans more hominis crassi, & pinguis, deses, & piger quis est in depellenda ignorantia; supinam verò, quia more hominis supine jacentis in lecto de nulla re curantis non curat ignorantiam expellere.

Discrepancia igitur inter hos duos DD. est, quòd juxta Pal. ad crassam, & supinam requiratur negligentia summa, qualis sola est, dum nulla diligentia est adhibita, idque probat ex L. regula 9. §. sed facti ff. de juris, & facti ignorantia, ibi: sed facti ignorantia ita demum cuique non nocet, si ei non summa negligentia objiciatur. Si aliqua diligentia etsi modica ad eam vincendam adhibita est, negat appellandam esse crassam, & supinam, sed mortaliter, culpabilem, quæ tamen non sit crassa. Sanchez verò vocat mortalem ignorantiam non crassam, dum in materia gravi adhibetur major diligentia, quâm ferè nulla, non tamen sufficiens pro rei gravitate. Hæc adduxisse placuit ad faciliorem intelligentiam de ignorantia vinclibili loquentium DD.

Et quia oblivio, seu inadvertentia ad ea, quæ scivimus, est quædam ignorantia, sicut hæc, ita etiam illa est, vel invincibilis operantem ex illa excusans, vel vincibilis eundem accusans, Sanch.

num. 8. Pal. num. 4. Soarez

S. 8. num. 5.

\*\*